

H I E

2 6 4 9



Opp. var. 173 a


*Ad Virum
Amplissimum, Consultissimum, Doctrinā
& multiplici rerum usu Specta-
tissimum,
Dn.*

MATTHÆUM Brauu/J C.

Sereniss. Dn, Elector. Saxon. non ita pridem, præter
votum, Redituum et Ratiociniorum
Præfectum confirmatum,

*Dominum, Meccenatem, & Fautorem
aternum honorandum,*

Schediasma
M. Joh. Bohemi, in Electorali
Dresdâ Rectoris-


Grammate Montano,
Anno 1648.



ET quare dubites parere, Patrone, vocanti?
Omnes te præter spem Deus ipse vocat.
Cede in iussa DEI, cunctorum in vota Bonorum
Qui vocat, & vires suppeditare potest.
Cede in iussa DEI, Princeps vocat. anne recuses?
Magnum est posse Duci, posse placere Deo.
I, quò te virtus, BRAUNI, & Deus evocat. Esto,
Divelli durum est, est ubi fida Domus.
Et cognatus amor, grave munus & arduum Honoris;
Copia ubi rerum est; sive sodalitium.
Excelsò illa animo simul omnia lingue. Fideles
Rursum fida novos & tibi Dresda dabit.
I, quò vult Princeps. Scis justum à Principe iustum
Esse DEI vocem. Robur Fova dabit.
Non sine præsentì Superùm, cœliq; favore,
Non sine divini Numinis auspicio:
Unde fluit, quodcunq; beat, quodcunq; salubre est,
Te legit ELECTOR SAXO PATER PATRIÆ.
Mirum est. Sese alii satagunt omni arte Potentum
Inserere officiis, ingerere officiis.
Publica fama scit id. Tu tractus ad ardua in Aulam
Præter spem, præter mentis & arbitrium,
Cede

Cede DEO. DEUS EST, statuit qui præmia justo:

Ille suos nunquam deseruisse potest.

Perpeffus multa es, duris belliq; thyllis

Factatus. Stupui. nuper ubi illa dabas.

Te Martis rabies sursum tulit atq; deorsum:

Sensisti multas ancipitesq; vices.

Mens tamen invictum casus duravit in omnes:

Sorte in utraq; sui par similisq; fuit.

Muneribus virtus tua te majoribus aptat:

Ad latus ELECTOR te locat ecce suum.

Dii pia corda vident, & habent sua præmia justi:

Magna est Principibus Laus placuisse viris.

Noli adspernari hæc decreta latentia fati:

Cæci est, consilium vellere velle DEI.

Quò Deus & Princeps, & honos virtutis abire,

Quò te candor, abi, quò jubet integritas.

Aula foco similis, * timide si accesseris, alges:

Sin tumide steteris proximus, igne peris.

Noverat ELECTOR pietatem, noverat ille

Doctrinæ solidæ munera, mentis opes.

Noverat ille fidem: fidam securus in aurem

Hinc AULÆ REDITUS credidit, inq; fidem.

Hæc tua laus propria est: non lentas neetere tricas:

Dicere sed cuivis jus, dare cuiq; suum.

Semper es exosus, qui jus rus censet & aurum,

Cui mel in ore, fel in corde latere solet.

verbaq;

*Hominis au-
lici symbolū.
Nec tumide,
nec timide.

*Verbaq; dat cautè, frontemq; serenat; Et astu
 Occulto insidias qui tamen intus alit.
 Mens tibi longè alia est: Summis te fecit & imis
 Acceptum candor, dexteritasq; sagax.
 Ista Viri Magni vox est, Et credita multis;
 Nec mihi, pro sensus indole, casta fide est.
 Si tales multos Provincia nostra teneret,
 Næ melius staret SAXONIS AULA potens.
 Tanta fides dictis, labor est, industria, tantus
 (Sunt hæc magna mentis symbola) juris amor.
 O utinam possem meus esse, negotia paulum
 Differre, eloquerer plura, vota darem.
 Irrrequieta * quies mea non permittit id ipsum:
 Hercules est decimus tertius iste labor.
 Si qua brevi (quod posse, animi sapientis habendum est)
 Res dici, paucis rem tibi dico, potest:
 Svada, Astræa, Charis, Virtutis Asylon honorant
 Te, Pietas ornat, te Themis alma colit.
 Gratulor Et voveo, quò multos sospes in annos
 Vivas, sis felix officio inq; novo.
 Si voluisse satis, satis hæc devota voluntas:
 Si votum, votum hoc corde perennè dabo:
 Vive DEO. benè vive Duci, benè vive Camenis,
 Et Patriæ, atq; tuis, & benè vive mihi.
 Dii justas audite preces, atq; addite votis
 Pondera! SIT FELIX BRAUNIA HONORATA DOMUS!
 F I N I S.*

*χολη, qui
 es, otium.

Op. var. 110

Exquisit GmbH
144 IVIII 104

